

Universitätsbibliothek Paderborn

Doctor Mellifluus S. Bernardus Magnæ Matris Cultor Eximius, Et Ex Ordine Sancti Benedicti Sacellanus Quartus. Sive Ea quæ Doctor mellifluus de laudibus Virginis Matris scripsit in gratiam magnæ ...

Bernardus <Claraevallensis>
Nevhvsii, MDCLXXV.

Homilia I.

urn:nbn:de:hbz:466:1-37156

S. P. BERNARDI ABBATIS.

De laudibus Virginis Matris, super verba Evang. Missus est Angelus Gabriel, &c. Luc. 1.


HOMILIAE IV. PRÆFATIO.

Scribere me aliquid & devotio jubet, & prohibet occupatio. Verumtamen quia prapediente corporali molestià, Fratrum ad prasens non valeò sectari conventum: idtantillum oti, quod vel mihi
de somno fraudans innoctibus intercipere sinor, non sinam otiosum.
Libet ergò tentare id potissimum aggredi, quod sepè animam pulsavit: loqui videlicet aliquid in laudibus Virginis Matris, super illa lectione Evangelica, in qua, (Lucareferente) Dominica Annuntiationis continetur historia. Ad quod sanè opus faciendum, etsi nulla
fratrum (quorum me profectibus deservire necesse est) vel utilitas
moneat: dum tamen ex hoc non impediar quoad quag, ipsorum necessaria minus paratus inveniar, non arbitror cos debere gravari, si propria satisfacio devotioni.

HOMILIA I.

I. Missest Angelus Gabriel à Deo in civitatem Galilea eui nomen Nazareth, ad virginem desponsatam viro, cui nomen erat soseph, de domo David, & nomen virginis Maria, Luc. 1. Quidsibi voluit Evangelista, tot propria nomina rerum in hoc loco tam signanter exprimere ? credo quia noluit nos negligenter audire, quod tam diligenter studuit enarrare. Nominat siquidem nuntium qui mittitur, Dominum à quo mittitur, Virginem ad quam mittitur, sponsum quoque virginis nis, amborumque genus, civitatem, ac regionem proprijs designat nominibus. Ad quid hoc? putasne aliquid horum supervacuè positum sit? nequaquam: si enim nec folium de arbore sine causa, nec unus ex passeribus sine patre cœlesti cadit super terram: Matth. 10. putem ego de ore S. Evangelistæ superfluum defluere verbum, præsertim in sacra historia Verbi ? non puto: plena quippe sunt omnia supernis mysterijs, ac cœlesti singula dulcedine redundantia: si tamen diligentem habeant inspectorem, qui noverit sugere mel de petra, oleumque de saxo durissimo. Nempe in illa die stillarunt montes dulcedinem, loël3. colles fluxerunt lac & mel, quando rorantibus cælis desuper, nubibusque pluentibus justum, aperta est terra læta germinans Salvatorem: Isa. 45. quando Domino dante benignitatem & terra nostra reddente fructum suum, super illum montem montium, montem coagulatum & pinguem, misericordia & veritas obviaverunt sibi, justitia & pax se osculatæ sunt, 1. Pf. 84. Illo quoque in tempore unus iste inter cæreros montes non modicus, beatus videlicet Evangelista, dum desideratum nobis nostræ salutis exordium suo mellissuo commendavit eloquio, veluti perflante austro, atque è vicino sole radiante justitiæ, quædam ex eo spiritualia fluxerunt aromata. Utinam & nunc Deus emittat ei verbum suum, & liquefaciat ea nobis, perslet Spiritus ejus, & fiant intelligibilia verba Evangelica; fiant in cordibus nostris desiderabilia super aurum & lapidem pretiosum multum, fiantque dulciora super mel & favum!

2. Ait itaque, missis est Angelus Gabriela DEO. Non arbitror hunc Angelum de minoribus esse, qui qualibet ex causa, crebra soleant ad terras fungi legatione: quod ex ejus nomine palamintelligi datur, quod interpretatum fortitudo Dei dicitur: & quia non ab alio aliquo forte excellentiore se (ut asso-



thanaël) à Nazareth potest aliquid boni esse, loan. 1. Nazareth interpretatur flos. Videntur autem mihi quoddam semen fuiffe divinæ cogitationis tanquam è cœlo jactatum interras, allocutiones & promissiones facta coelitus ad patres, Abraham scilicet, Isac & Jacob, de quo semine scriptum est: Nisi Dominus Sabaoth reliquisset nobis semen, sicut Sodoma fuissemus: & quast Gomorrha similes essemus, Isai. 1. Floruit autem hoc semen in mirabilibus, quæ ostensa sunt in exitu Jsrael de Ægypto, in siguris & anigmatibus per totum iter in deserto usque in terram promissionis, & deinceps in visionibus & vaticinijs Prophetarum, in ordinatione quoque regni ac sacerdotijusque ad Chriftum: Christus autem hujus seminis & horum florum non immerito fructus esse intelligitur : dicente David Pfal. 84. Dominus dabit benignitatem, & terranostra dabit fructum suum. Etiterum: De fructu ventris tui ponam super sedem tuam, Pf. 131. In Nazareth ergò nunciatur Christus nasciturus: quia in slore speratur fructus processurus. Sed prodeunte fructus sos decidit, quia veritate apparente in carne, figura pertransijt. Unde & Nazareth, civitas Galilææ dicitur, id est, transmigrationis; quia nascente Christo, omnia illa transierunt, quæ superius enumeravi, quæ, utait Apostolus 1. Cor. 10. infigura contingebat illis. Hos ergo flores & nos qui jam fructum tenemus, pertransisse videmus: & dum adhuc florere videbantur, transituri prævidebantur. Unde David pfal. 89. Mane sicut herba transeat, mane floreat & transeat: vespere decidat, induret & areseat. Vesperè etenim, id est, quando venit plenitudo temporis, in quo misit Deus Unigenitum suumfactum ex muliere, factum sub lege Gal. 4. dicente ipso, Ecce nova facio omnia Isai. 43. vetera transierunt & disparuerunt, quomodo in novitate succrescentis fructus flores decidunt & arefcunt. Unde rursus scriptum est: Isai. 40. Fænum aruit, & flos decidit: verbum autem Domini manes

manet in aternum. Credo non ambigis quin verbum fructus fir: verbum autem Christus est.

4. Bonus itaque fructus Christus, qui manet in æternum, sed ubi est fænum quod aruit? ubi est flos qui decidit? Propheta respondeat, Isa. 40. Omnis caro fænum, & omnis gloria ejus tanguam stos fæni. Si omnis caro fænum: ergò carnalis ille populus Judæorum ut fænum aruit. An non fænum aruit, dum idem populus ab omnispiritus pinguedine vacuus, siccæ litteræ adhæsit? An non etiam flos decidit, quando gloriatio quam habebant in lege, non remansit? si flos non decidit, ubi ergò regnum, ubi sacerdotium, ubi Prophetæ, ubi templum, ubi deniq; magnalia illa, de quibus gloriari solebant, & dicere, pl. 77. Quanta audivimus & cognovimus ea, & patres nostri narraverunt nobis? Etiterùm: Quanta mandavit patribus nostris nota facere ea filijs suis. Et hæc dicta sunt pro eo quod positum est, in Nazareth civitatem Galilea.

Jeo. Ad quem? Ad virginem desponsatam viro, cui nomen erat soseph. Quæ est hæc virgo tam venerabilis ut salutetur ab Angelo: tam humilis, ut desponsata sit sabro? Pulchra permixtio virginitatis & humilitatis: nec mediocriter placet Deo illa anima, in qua & humilitas commendat virginitatem, & virginitas exornat humilitatem. Sed quanta putas veneratione digna est, in qua humilitatem exaltat secunditas, & partus consecrat virginitatem? Audis virginem, audis humilem: si non potes virginitatem humilis, imitare humilitatem virginis. Laudabilis virtus virginitas, sed magis necessaria humilitas. Illa consultur: ista præcipitur. Ad illam invitaris: ad istam cogeris. De illa dicitur: Quipotest capere, capiat, Matth. 10. de ista dicitur: Nisi quis essiciatur sicut par vulus iste, non intrabit in regnum cælorum. Matth. 18. illa ergò remuneratur; ista exigitur. Po-

2 tell



Potest inquam, placere humilitas, quæ virginitatem deplorat amissam: sine humilitate autem (audeo dicere) nec virginitas Mariæ placuisset. Super quem, inquit Isai, ult. requiesset spiritus meus, nisi super humilem es quietum? Super humilem dixit, non super virginem. Si igitur Maria humilis non esset, super eam Spiritus sanctus non requievisset. Si super eam non requievisset, nec imprægnasset. Quomodo enim de ipso sine ipso conciperet? Patet itaque quia ut de Spiritu sanctus conciperet, sicut ipsa perhibet Luc. 1. respexit humilitatem ancille sua Deus, potius quam virginitatem. Et si placuit ex virginitate, tamen ex humilitate concepit. Unde constat quia etiam ut placeret virginitas, humilitas procul dubio secit.

6. Quid dicis, virgo superbe? Maria virginem se oblita, gloriatur de humilitate: & tu negligendo humilitatem, blandiris tibi de virginitate? Respexit (ait illa) humilitatem ancilla sua, Qua illa? Virgo utique sancta, virgo sobria, virgo devota. Nunquid tu castior illa? nunquid devotior? aut nunquid tua forte pudicitia gratior castitate Maria? uttu scilicet sine humilitate placere sufficias ex tua, quod illa non potuit ex sua. Denique quantò honorabilior es ex singulari munere castimonia, tantò tibi tu majorem injuriam facis, quod ejus in te decorem sædas permixtione superbia. Alioquin expedit tibi virginem non esse, quàm de virginitate insolescere. Non omnium quidem est virginitas: multò tamen pauciorum est cum virginitate humilitas. Si gitur virginitatem in Maria non potes nisi mirari, stude humilitatem imitari, & sufficit tibi. Quod si & virgo & humilis es: quisquis es, magnus es.

7. Et tamen majus aliquid quod mireris in Maria: scilicet cum virginitate sœcunditas. A sæculo enim non est audi-

tum.

DE LAUDIBUS VIRGINIS MATRIS.

tum, ut aliqua fimul mater effet & virgo. Quòd fi & cujus mater, attendas: quò te tua super ejus mirabili celsitudine ducet admiratio? Nonne ad hoc, ut te videas nec satis posse mirari? Nonne tuo, imò veritatis judicio illa quæ Deum habuit filium, supra omnes etiam choros exaltabitur Angelorum? An non Deum & Dominum Angelorum Maria suum auda-Eterappellat filium, dicens: Luc. 1. Fili, quid fecisti nobis sic? Quis hoc audeat Angelorum? sufficit eis, & pro magno habent, quod cum fint spiritus ex conditione, ex gratia facti funt & vocati Angeli, testante David: ps. 103. Qui facit, inquit, Angelos suos spiritus. Maria verò matrem se agnoscens, majestatem illam, cui illi cum reverentia serviunt, cum fiducia fuum nuncupat filium. Nec dedignatur nuncupari Deus, quod elle dignatus est. Nam paulò post subdit Evangelista: Luc. 2. Et erat, inquiens, subditus illis. Quis quibus? Deus hominibus. Deus, inquam, cui Angeli subditi sunt, cui principatus & potestates obediunt, subditus erat Maria. Nec tantum Maria, sed etiam Joseph propter Mariam. Mirare ergò utrumlibet, & elige quid amplius mireris, sive Filij benignissimam dignationem, fivè matris excellentissimam dignitatem. Utrinque stupor, utrinque miraculum. Et quòd Deus fæminæ obtemperet, humilitas absque exemplo: & quòd Deo fæmina principetur, sublimitas sine socio. In laudibus virginum singulariter canitur, quod sequuntur Agnum quocung, jerit, Apoc. 14. quibus ergò laudibus judicas dignam, quæ etiam præit?

8. Disce homo obedire; disce terra subdi; disce pulvis obtemperare. De auctore tuo loquens Evangelista Luc. 2. Et erat, inquit, subditus illis, haud dubium, quin Mariæ & Joseph Erubesce, superbe cinis: Deus se humiliat, & tu te exaltas? Deus se hominibus subdit, & tu dominari gestiens hominibus, tuo te præponis auctori? Utinam mihi aliquando tale aliquid cogitan-

υ,

ti,



ti, Deus respondere dignetur, quod & suo increpando respondit Apostolo. Vade, inquit, Matt. 16. post me satana, quia non sapis ea que Dei sunt. Quoties enim hominibus præesse desidero, toties Deum meum præire contendo, & tunc verè non sapio ea, quæ Dei sunt. De ipso namque dictum est, Luc. 2. Et erat subditus illis. Si hominis, ô homo, imitari, dedignaris exemplum, certè non erit tibi indignum sequi auctorem tuum. Si non potes forsitan segui eum quocunque jerit, dignare vel sequi quò tibi condescendit. Hocest, si non potes sublimem incedere semitam virginitatis, sequere vel Deum per tutissimam viam humilitatis: à cujus rectitudine si qui etiam de virginibus deviaverint, ut verum fatear, nec ipli fequuntur Agnum quocunque jerit. Sequitur quidem Agnum coinquinarus humilis, sequitur & virgo superbus; sed neuter quocunque jerit : quia nec ille ascendere potest ad munditiam Agni, qui fine macula elt; nec is ad ejusdem mansuetudinem descendere dignatur, quâ scilicet non coram tondente, sed coram occidente le obmutuit. Attamen salubriorem elegit sequendi partem in humilitate peccator, quam in virginitate fur erbus, cum & illius immunditiam fua humilis fatisfactio purget, & hujus pudicitiam superbia inquiner.

9. Sed felix Maria, cui nec humilitas defuit, nec virginitas. Et quidem singularis virginitas, quam non temeravit, sed honoravit secunditas: & nihilominus specialis humilitas, quam non abstulit, sed extulit secunda virginitas: & incomparabilis prorsus secunditas, quam virginitas simul comitatur & humilitas. Quid horum non mirabile? quid non incomparabile? quid non singulare? Mirum verò si non hæsitas in eorum ponderatione, quid tuâ judices dignius admiratione, utrum videlicet potius stupenda sit secunditas in virgine, an in matre integritas: sublimitas in prole, an cum tanta sublimitate hu-

militas:

DE LAUDIBUS VIRGINIS MATRIS.

militas: nisi quod indubitanter horum singulis præserenda sunt simul cuncta, & incomparabiliter excellentiùs est atque se-liciùs, omnia percepisse, quàm aliqua. Et quid mirum, si Deus qui mirabilis legitur Psal. 67. & cernitur in Sanctis suis, mirabilem se exhibuit in Matre sua? Veneramini ergò, conjuges, in carne corruptibili carnis integritatem: miramini etiam vos, sacræ virgines, in virgine secunditatem: imitamini, omnes homines Dei Matris humilitatem. Honorate sancti Angeli vestri regis Matrem, qui nostræ adoratis virginis Prolem, ipsum utique nostrum pariter ac vestrum regem: nostri generis reparatorem, vestræ civitatis instauratorem. Cujus apud vos tam sublimis, inter nos tam humilis, à vobis pariter, & à nobis detur & dignitati debita reverentia, & dignationi honor & gloria, in sæcula sæculorum. Amen.

HOMILIA II.

Super missus est Angelus.

Ovum quidem canticum illud quod solis dabitur in regno Dei cantare virginibus, ipsam virginum Reginam cum cæteris, imò primam inter cæteras esse cantaturam, & nemo est qui ambigat. Puto autem illam, præter illud quod solis licet, cum omnibus tamen virginibus, ei (ut dixi) communè erit, dulciori quodam atque elegantiori carmine lætisicaturam esse civitatem Dei. Cujus utique dulcisonos depromere vel exprimere modulos, ne ipsarum quidem virginum ulla digna invenietur: quia soli meritò decantandum servabitur, quæ sola de partu, & partu divino gloriatur. Gloriatur dixerim de partu, non in se, sed in ipso quem peperit. Deus siquidem (Deus enim est quem peperit) Matrem suam singulari in cælestibus donaturus glorià, singulari in terris prævenire curavit & gratià,

quâ

